



**§ 37 naapertorlugu apeqqummut nr. 34-2025-mut Tasiilami innaallagissamik
pilersuinnermut tunngasumut akissuteqaat**

23-05-2025
Suliap normua: 2025-878

Gerth Mikaelen, Naleraq, ullormi 12.05.2025-mi ima apeqquteqarpoq:

*"1: Tasiilami Nukissiorfimmut turbine allilernissaanut suliaq sumummita
killippa?"*

Postboks 930
3900 Nuuk
Oqar. (+299) 34 68 00
Fax (+299) 43 02
E-mail: asn@nanoq.gl
www.naalakkersuisut.gl

Apeqqummut 1-imut akissuteqaat:

Asasara Gerth Mikaelen,

Tasiilami erngup nukinganik innaallagissiorfiup allilernerqarnissaa pillugu
soqutiginninnut qujanaq. Inoqutigiinnik pilersuinissamut aamma
inuussutissarsiutitigut ineriartortitsinissamut pingaarutilimmik
allilerisoqarnissaa illit aamma najukkami innuttaasut kissaateqarnerat
Naalakkersuisut isumaqatigaat.

Paasissutissiissutigisinnaavara Tasiilami erngup nukinganik innaallagissiorfiup
allilernerqarnissaa pillugu suliariumannittussarsiuussineq Nukissiorfinnit
ingerlanneqarsimammat. Suliariumannittussarsiuussineq novembarimi 2024-mi
naammassineqarpoq. Suliariumannittussarsiuussinermi neqeroorut ataasiinnaq
Naalakkersuisunit pissarsiarineqarpoq, taannalu pilersaarutaaqqaartumit
malunnaatilimmik akisuneruvoq. Kingorna Nukissiorfiit aamma entreprenørp
akornanni isumaqatigiinniartorneqarpoq akip appartinnissaa siunertaralugu.
Suliap Naalakkersuisunut piaartumik saqqummiunneqarnissaa
naatsorsuutigineqarpoq, taamaaliornikkut suliniutip ingerlanneqarnissaa pillugu
aalajangiisoqarsinnaaqullugu.

Inussiarnersumik inuulluaqqusillunga
Med venlig hilsen



Naaja H. Nathanielsen

Inuussutissarsiornermut, Aatsitassanut, Nukissiutinut, Inatsisit

Atuutsinneqarnerannut Naligiissitaanermullu Naalakkersuisoq

Departementet for Erhverv, Råstoffer, Energi, Justitsområdet og Ligestilling